

雲

適

淡

墨

雲藻淡墨卷之三

文章草

文章草卽五加皮異名金鹽食之可以長生

瑞葉天上瑞木花開六出故咏雪者用之

芸香置書帙中無蠹置席下卽去蚤虱葉類豌豆作

小蘗遇秋則葉上微白如粉汗卽今之所名香草

雕胡菰米卽今之茭苗米又謂之蔣實

唐蒙卽兔絲

萍一名水花又曰水白其大者曰蘋

芭蕉又名芭且且平聲又名苞直又名甘蕉

軒于猶草名臭草也亦名蔓于

艾納松皮上蘚衣合諸香燒之其烟團聚青白可愛
芍藥一名將離故送別贈之本草又名黑牽夷

梔子名林蘭又名越桃木丹佛經名薝蔔相如賦又
名鮮支

南威卽橄欖又名青子又名餘甘子

口及木槿花見歎逝賦又名舜華舜榮朝華又莊生
以爲朝菌

芫時蕢莢草生于階有十五葉從月一日生一葉至
十六日落一葉月小則餘一葉觀之則知曆日故
一名曆莢一名仙卵黃帝時有草生庭佞人入則
指之名曰屈軼

烏頭毒藥蜀中產其銳而修者爲天雄兩岐爲烏喙
岐八角老者爲附子

土蝻又名地蠶今謂之甘露子

麋音文麻子

鴛鴦梅千葉紅梅也一帶結雙梅

桑維翰曰唐末文人謂芍藥爲婪尾春蓋婪尾酒乃醉後之盃芍藥殿春故名

蔥和衆味如藥劑必用甘草也故文言曰和事草花魁梅草魁茶又雲腴紫林腴俱稱茶

聖僧楊州人稱楊梅

石髮水苔也又云苔蘚一名綠錢

苜蓿一名懷風又名光風又名連枝草

文無一名當歸合歡一名青棠卽夜合花地黃一名

地髓

丹棘一名忘憂州牛棘卽薔薇懷香子卽茴香蠶實
卽馬蘭假蘇卽荊芥莎草根卽香附子

肉樹端溪猪肉子大如盃炙食之味如猪肉而美
酒樹椰也似酒甘而薄亦不堪飲若須遜國樹葉汁
取停之數日卽爲佳酒拘樓國仙漿取之樹腹中
青田核以水注之少頃成酒乃真酒樹也

石脾入水則乾出水則溼獨活有風不動無風則搖
燕脂采紅藍花汁凝作脂以爲桃花妝起自紂以其
爲燕所生故名燕脂又名燕支胭脂

紅梅種來自閩湘中故有福州紅邵武紅潭州紅等號

瑤草山海經姑瑤之山帝女死焉名曰女尸化爲瑤草其色黃其實如兔絲服者媚于人

巨勝實胡麻也老子與關令尹喜俱之流沙服之莫知所終

金花草廣異記謝元卿至東嶽夫人所居有異草葉如巴豆花正黃色光可鑑曰此金光艸

灌木叢木也散木無用之木

山海經云三珠樹出赤水上樹如柏葉皆爲珠

珊瑚樹出大食國西南漲海中可八百里到珊瑚洲
洲底有盤石生珊瑚初年白一年黃三年赤以鍤
網沉水取之初得肌理軟膩見風勁硬無紅色爲
貴失時不取則蠹敗

荷花一名水旦一名水芝一名澤芝一名水花一名
草芙蓉蓮中名的的中名意

日精落璫節花更生周盈傳延年陰成皆菊之別名
山藥本名薯蕷避唐代宗諱預改名薯藥宋英宗諱

曙遂改山藥別名玉延薯諸同

金銀花一名鴛鴦草一名忍冬草俗名鶉鴒藤

玉版師笋蒼髯叟松花貴妃海棠又蒼官松青士竹
石花紫笋碧澗明月俱茶名劍南有蒙頂石花湖州
有顧渚紫笋峽州有碧澗明月花乳亦茶名劉禹
錫詩欲知花乳清涼味須是眠雲臥月人東坡有
蜜雲龍山谷有商雲龍皆茶名

果蓏應劭曰木實曰果草實曰蓏張宴曰無核曰蓏
有核曰果又云有殼果無殼蓏

萊萸名辟邪翁菊花名延壽客

芹一名水英

博物志太陽草食之長生卽黃精也太陰草食之卽死卽鈎吻也

竹節曰約○茭一名鴻頭今名雞頭

仲思棗長四五寸紫色亦名仙水棗石季龍園中有羊角棗長一尺西王母與老子共食玉門棗魏文帝詔凡棗味莫若安邑御棗

天狗人參天豬葛蒲天牛雌黃天羊雄黃天鼠防風

震檀香乃返魂香也出聚窟洲又名却死香又名返生香

養生訣錄云韭性煖號草鍾乳諺云韭是草鍾乳芡是水硫黃皆言性煖耳

蘭槐香草名槐又作懷本草云蘘卽杜蘅也

爾雅註榮木梧桐也豕首卽猓荈草也

丘文莊公群書抄方云中蠱毒用白蘘荷治之又名不知何物按松江志白蘘荷卽今甘露

爾雅云寓木謂之宛也卽寄生也

瑞香花楚辭所謂露甲也一名錦薰籠一名錦被堆
一名紫風流而張圖之又改瑞爲睡云

禽華菊季秋之月鴻雁來賓後菊有黃華故名又云
雁來紅見班婕妤好擣素賦見禽華以鹿色

琅菜王母曰仙之上藥有碧海之琅菜

冰桃雪藕王母與周穆王高會進萬歲冰桃千年雪
藕

真陵山有康欽聚食其一大醉經年東方朔游其地
以一斛歸進上上和諸香作丸如一芥子大每集

群臣以一丸入水一石頃刻成酒味踰醇醪謂之
糜飲酒又謂真陵酒飲者香經月不散

留青日札奇南香南方之奇木也亦作奇藍乃沉香
木之生結可入詩

荔子名輕紅○海紅花卽今茶梅

維常肅慎氏有樹名維常若中國有聖帝代立則其
樹生皮可衣周武王成王時遣使入貢

詩綠竹猗猗草木疏曰綠竹玉芻也卽鹿蓐草又云
篇竹似小梨赤莖節韓詩作薄音篤非竹笋也去卽

木賊草是葉棗

美人蕉雪裡開王維畫袁安臥雪圖有雪裡蕉此是也非芭蕉或謂維畫裡芭蕉爲得心應手之妙非謝朓詩寒城一以眺平楚正蒼然楚叢木也登高望遠見木杪如平地故云

諫五代宮中呼麝香草○烏圓猫名又名蒙貴

勒畢國人長三寸有翼善言語有鳥如蠅聲遠聞狀如鸚鵡名細鳥

碧繼翁篁栖翁俱鷺名

騶騶馬名唐成公有之

鸛鷩鳥名司馬相如典鸛鷩裘以貫酒

肥遺鳥名六足四翼出泰華山見則大旱又云蛇名
角上有火

雞斯名馬也紂囚西伯於羑里太公得犬戎雞斯之
乘以獻

夜宵燭照夜青俱螢名又曰輝夜夜光景天亦曰燐
歸昌鳳名疏趾雉名○沙虹蝦名石蛆小蟹
鳳子大蝶見韓偓詩蝶一名野蛾

黍民蚊蚋玄駒蟻也牛亨曰河內人見人馬數十萬
大如黍米以火燒之人皆成蚊蚋馬成大蟻故名
白澤獅子名一名狻猊○翰音雞也一名燭夜
驚帆曹真駿馬名馳馬孫權快舫名張飛馬名玉追
呂布馬名赤兔曹洪馬號白鴿曹植馬號紫騮
青鳥西王母傳書者

猶豫猶獸名聞有聲則豫上樹無人然後敢下須臾
又上如此非一狐疑狐性多疑渡冰河且聽且渡
嘉賓黃雀別名活東蝦蟆名○朱鳥駕鵝陽鳥俱雁

名○獼猴稱山見見傳燈錄

白鳥蚊也齊桓公曰白鳥營營是必飢耳又曰豹脚
○阿蘇鸚鵡別名

醉如泥南海有蟲無骨名曰泥在水中則活失則醉
如一堆泥故時人譏周澤曰一日不齋醉如泥
凡象鳳者有五多赤色者鳳多青色者鸞多黃色者
鷩多紫色者鸞多白色者鵠又云青鳳爲鷩
赤鳳爲鷩黃鳳爲鸞白鳳爲鷠紫鳳爲鸞此五方
之鳥似鳳而非也

促織名嬾婦驚一名投機以聲如急織也又名蟋蟀

卽蟋蟀

伏翼蝙蝠也見神異經或謂之飛翼或謂之仙鼠百歲伏翼止則倒縣千歲伏翼得食之壽

麕麋

音扇

鹿之極有力者鹿之大者爲麋群鹿隨之

視麋尾所轉一名伊尼

天祿辟邪二獸名祿本作麋

長離鳳也一作麗

丹哥鶴也見趙自然詩又玄思賦九臯介鳥介大也

謂鶴也又名胎仙

薛道衡文足足懷仁般般擾義足足鳳也般般麟也
○丘引又謂之鳴砌

龍頭上有一物如博山形名尺木龍無尺木不能昇
天○海月寶名出海中大如鏡月色

術者以十二生肖配十二辰各有不足之形如鼠無
牙牛無齒虎無脾兔無唇龍無耳蛇無足馬無膽
羊無神猴無臀雞無卵犬無腸猪無筋人則無不
足也

道家流書言麀鹿麀是玉署三牲神仙所享故奉道者不忌

魚尾謂之丙如篆丙字也魚枕爲丁腸爲乙見爾雅記

松滋侯墨又名黑松使者又薛稷封爲玄香太守墨本由真所造○蒙恬爲秦將始製筆名管城子又名不律

張衡詩美人贈我鴝鵒鴝鵒卽今毛襍又曰鴝之異名曰毛席毯之異名曰毛襍亦曰毼毼又毼毼也

又稱毳布

蜀成都府西郫縣出大竹截以盛酒閉以藕絲包以蕉葉信宿香達于外曰郫筒酒故子美詩酒憶郫筒不用賒郫蜀王杜宇所都

織絲織音志今訛爲注絲又轉訛爲紵絲紵音宁非注也見鄭氏釋文

饌饌修食也今北人呼爲波波南人譏爲磨磨

踰糜墨名漢尚書令侯承郎日給踰糜墨大小二枚
吳思羅鳥之網宮殿簷戶之間設或謂曲閣屏障非

也

博烏曹作樓犁皇甫陰作樗蒲老子入胡作粉紂作
鏡尹壽作○象戲周武帝作

記里鼓一名大章車劉裕滅秦得之有木人執權向
鼓行一里打一權

繩床繩穿爲坐具卽今交椅也藜床杖也

渠荅鋏疾藜欹廁曲刀也○犀渠甲也又名賜夷首
鎧兜鍪也○木上坐僧拄杖

不落酒器名白樂天詞銀不落從君勸

大黃弩名勃盧矛名洪頤旌名巨黍古良弓

革華皮鞋也韓退之作革華傳

白接離帽也取白鳥頭背上長翰毛爲之

竹練竹布弋綈黑繒戴勝婦人首飾

笛本四孔京房加一孔于後爲商聲本黃帝使伶倫
作黃帝命揮作弓夷牟作矢甲少康子興又云子
杼弋戟及矛劍鎧蚩尤作刀斧鉞黃帝作

豆腐淮王劉安所作仙術也

青萍干將含光承影露練俱劍名又秦有太阿上市

結綠懸藜美玉名瑰珠赤色卽南方所出火珠也○
引光奴火焯名焯音出

王褒家貧土銚經日無烟銚釜也土銚瓦鍋也

釜旣黃帝造鋸鑿孟莊子作箕帚夏少康作

溺曰房中弱水見道書溺器曰夜瀦見唐人文集○

淨君帚涼友扇桐君琴

佛筴今謂之籤

鷓鴣音鹿專郭璞云甕也陶侃運甕卽此

衢尊尊酒器也六尊爲衢○瓠甌甌也

偏提卽注子又說郛云猶今酒釐又云元和間仇士良以注子名同鄭注去柄安系名偏提

赫蹏蹏亦作𧾷小薄紙也本作𧾷蹏蹏地染紙素令赤而書之𧾷音聞○酒魁大斗也

軌烏曹作瓦夏昆吾氏作石磴公輸班作春黃帝臣雍文作又云赤冀作曰

楫拙短木○尺八樂器

鑿落飲器參差洞簫故姜白石剪燭屢呼金鑿落倚牕閒品玉參差

甌酒甌也井幹井上木闌也幹形亦作韓其四角或八角又謂之銀床皆井闌別名

一散酒爵也受五升詩簡兮公言錫爵注疏惠下不過一散

眊音羽耳衣一名究鑿劉備好結眊

寒具寒食具也見何靖寒食詩又名麟羹見于寶司徒儀制晉呼爲環餅卽今饊子也東晉餅賦有牢丸之目牢丸卽今湯餅

粬粬以蜜和米煎作之卽今糖餅杜詩粬粬作人情

蓋蜀土風

木難黃珠瑟瑟碧珠故詩家以對斑斑蒼蒼云

朱紋卽朱裳畫爲亞形亞古弗字故因謂之紋亦作
黻

古詩青玉案卽盤也今以案爲桌非孟光舉案卽盤
若今桌子豈可舉乎

白帽管寧不應州郡之辟常著白帽

輶軒輕車也見晉志

石蜜本草云石飴也卽今之糖又名蔗飴蔗飴

琅璫大鎖亦作銀鐙今訛以爲銀鐙

昭華之玉堯贈舜者

皐比虎皮也以虎皮爲講席也皐比爲虎皮抑自有說古之虎皮包弓矢曰橐橐卽皐

闌楯王逸注縱曰闌橫曰楯殿上臨邊之飾防人墮也今言鈎欄

胡餅漢靈帝好食之石勒諱胡改爲麻餅卽今之芝麻餅也

笋席竹席也蟻裳蟻色玄蓋玄色裳也

石炭煤也

李肇命酒曰郎官清劉跋命酒曰玉友唐子西命酒之和者曰養生主勁者齊物論武帝酒名闌生隋煬帝酒名玉璫李適之酒名翠瀾

白銅謂之鎔赤銅謂之鉗

張華博物志成晉武賜麟角筆以麟角爲筆管此遼西國所獻故王勃春日孫學士宅宴序且傾鸚鵡之杯聊舉麒麟之筆

銀重八兩爲一流錢一百二十文爲一算

長明公西明夫人俱燈名見唐李政異聞錄
送音廷竹算子也○院落庭宇也

綈袍綈厚繒也○方響今名雲板俗云響板

靈輶輶軒俱喪車也○琥珀一名江珠

珠一寸曰大珠次曰走珠次曰礪硃珠

琬液瓊蘇古酒名○綺疎碧疎皆牕名

魚鑰鑰必魚取不瞑目守夜之義

漢王章臥牛衣中註牛衣編亂麻爲之今呼爲龍具

酒滓謂之酪母○五色鹽出安息國

商君書赭繩束枉本古匠人用赭繩卽今之墨線
開掃髻名唐詩還梳開掃學宮粧亦猶盤雅墮馬之
類

美玉白如截肪黑如純漆赤如雞冠黃如蒸栗興國
有軟玉可直可曲

可陵國以柳花爲酒

異物志廣南以竹爲硯

晉太康五年大秦國貢蜜香紙三萬幅帝以萬幅賜
杜預寫春秋釋例紙以蜜香樹皮葉爲之微褐色

有文如魚子極香而堅細水浸不爛

簫一名石弦一名紫佩箏一名東宛

女紅雜志校一名蜘蛛

龍涎香出大石國國人候島林上有異禽日集下有
群魚游泳則有伏龍吐涎浮于水上舟人探而得
之其涎如膠其貴十倍于金

向範待客有漆花盤科斗筴魚尾匙

青羽裙南極夫人被錦服青羽裙

鹿裘堯之治天下也冬則鹿裘夏則葛絺

錦組言日甲子天子乃執白圭玄璧以見西王母獻
錦組百統西王母拜受之

繁總解衣縠絹也絹絰也其絲絰厚而疏也

回紇出鎖鎖帽用鎖鎖木根製之爲帽火燒不滅亦
不作灰可配火鼠布能辟寒

蔡邕獨斷曰古幘無巾王莽頭禿始施巾故語曰莽
頭禿幘如屋

曾青石青銅之精出蜀都曾青山空青卽曾青石中
所出之水也

續漢書曰大秦國合諸香木煎其汁謂之蘇合
肺石周禮以肺石達窮民之情

耳衣卽今煖耳唐詩金裝衣帶重錦縫耳衣寒

屈戌窻牖間鉸釘環鈕名梁簡文織成屏風金屈戌
李商隱鎖春金屈戌

紫駝尼蕃褐也見山谷詩飢食青粃飯寒贈紫駝尼
琥珀松脂入地千年所化色紅吸得芥子者爲真
白粳瓊粳俱白米脫粟粗米

不托唐人謂湯餅爲不托今爲餠飪

祛今袖口袂今袖

縕廢敝衣襦襖簑衣屨屨雨衣

袼女人脇衣也崔豹古今註謂之腰綵註引左傳袒服謂日月近身衣也是春秋時已有之隋唐詩中名寶袼

孫真人云凡過山水塢中出泉者不可久居常食生癭病又深陰地冷水不可飲必作痰癰

魏賈鐸有蒼頭常令乘小艇於黃河中接河源水以釀酒名崑崙觴芳味世中所絕

南倭海灘蚌泪和色作畫晝隱夜顯

周禮云凡冒鼓必以驚蟄日象雷之發聲則聲洪
栽植花木宜除滿平成開日忌乙及枯焦日又云劇
竹根以辰日捕魚蟹以亥日

王子喬云菊花變白增年方三月上寅日採名玉英
六月上寅日採名容成九月上寅日採名金精十
二月上寅日採名長生長生根莖也

竈神壬子日死不可用此日作竈及泥塞竈

觀音洗眼咒曰救苦觀世音施我大安樂賜我大方

便滅我愚癡暗賢劫諸障礙無明諸罪惡出我眼
室中使我視物光我今說是偈洗懺眼識罪普放
淨光明願觀微妙相每旦咒水七遍或四十九遍
以洗眼眼疾速愈

得惡夢卽咒曰黃閣神師紫戶將軍把鉞搖鈴消滅
惡津

人臥室宇當令潔淨則受靈氣否則受故氣故謂塵
濁不正之氣

火燒瘡于淨地上搗一小潭倒好醋于中調泥取傅

之卽愈見瑣言又以桐油塗之亦妙又用大黃爲末米醋調塗尤妙

毒蛇蟲所傷用艾炙患處卽瘥又毒蛇咬香白芷一味爲末麥門冬湯調服一升口吐出腥穢卽愈山齋之用秋采甘菊花貯以布囊作枕能清頭目去邪穢采蒲花作坐褥臥褥勝木棉松樛枝作曲几以靠背名曰養和

秦芫百部搗煎入漿衣去虱乾焚燻衣被亦可甲寅日剪手指爪甲午日剪脚指爪此爲三尸遊處

雲邁淡墨

卷之三

九

故斬除之正月寅日燒白髮吉

幽人筆

司空圖隱于中條山芟松枝爲筆管人問之曰幽人筆正當如是

飛雲履

白樂天燒丹于廬山草堂作飛雲履玄綾爲質四面以素絹作雲朶染以四選香振履則如烟霧樂天著示山中道友曰吾足下生雲計不久上升朱府

矣

樵人真說

孫登琴

孫登琴遇雨必有響如刀物聲竟因陰雨破作數截

有異蛟蛹去

金微變
化篇

碁聲與律呂相應

元頤本枰碁聲與律呂相應蓋因響玉爲盤非有異

術也

碁天
洞覽

紅白二墨

楚王靈夢使人造紅白二墨爲戲及書寫衣服黑衣

用白書白衣用紅書自成一家

大唐龍
髓記

龍耳李

崔奉國家一種李肉厚而無核識者曰天罰乖龍必

割其耳耳血墮地故生此李

琴莊美事

礪黃椀

元載飲食冷物用礪黃椀熱物用泛水甕器器有三

千事

出樞要錄

夢栽錦

蕭頴士少夢有人授紙伯番開之皆是繡花又夢栽

錦因此文思大進

出文筆襟喉

無塵子

方銘隱天門山以樓欄葉拂書號曰無塵子月以酒

脯祭之

出高士春秋

柳神九烈君

李固言未第前行古柳下聞有彈指聲固言問之應曰吾柳神九烈君已用柳汁染子衣矣科第無疑果得藍袍當以棗餠祠我固言許之未幾狀元及

第

出三峯集

六鼻鏡生雲烟

黃巢陷京城南唐王氏有鏡六鼻嘗生雲烟照之則左右前三方事皆見王氏向京城照之巢寇兵甲如在目前上平都邑以映日紗囊取入禁中

出纂異記

文星典吏

杜子美十餘歲夢人令采文于康水覺而問人此水在二千里外乃往求之見鵞冠童子告曰汝本文星典吏天使汝下謫爲唐氏文章海九雲誥已降可于豆壠下取甫依其言果得一石金字曰詩王本在陳芳國九夜捫之麟篆熟聲振扶桑享天福

後因佩入蔥市歸而飛火滿室有聲曰解后穢吾
令汝文而不貴出文覽

地仙圖

號州別駕竇淝以當歸爲地仙圖曰使血海增光以
棗木爲柞號曰金剛骨出三堂往事

涼物

房壽六月召客坐糠竹簟凭狐文几編香藤爲俎剝
椰子爲盃擣蓮花製碧芳酒調羊酪造舍風酢皆
涼物也壽勸吳田以輓轡瓮田懼其深曰但思龍

門溪水濯麴腸耳出印頭錄

搔首問青天

李白登華山落雁峯曰此山最高呼吸之氣想通天
帝座矣恨不攜謝朓驚人詩來搔首問青天耳搔首集

清高門戶

樂天語人曰吾已脫去利名枷鎖開清高門戶但連
翕子母丹不知何時可成長慶傳

迷香洞

史鳳宣城妓也待客以等差甚異者有逃香洞神雞
枕銷蓮燈次則交紅被傳香枕八分羊下列不相
見以閉門羹待之使人致語曰請公夢中來馮乘
客于鳳罄囊有銅錢三十萬盡納得至迷香洞題
九迷詩于照春屏而歸

出常
新錄

山神以豐年相報

琴叟耕鳳嶺之田以虎紋巾裹犁推之曰勞苦躬耕

山神必以豐年相報已而果然

鳳翔退
耕傳

田水聲過吾師丈人

淵明嘗聞田水聲倚杖久聽歎曰秫稻已秀翠色染
人時剖胸襟一洗荊棘此水過吾師丈人矣

淵明別傳

龍鬚友

郗詵射策第一再拜其筆曰龍鬚友使我至此後有
貴人遺金龜并拔藥石簪咸與弟子曰可市筆三
百管退而藏之貯以文錦一千年後猶當令子孫
以名香禮之

龍鬚志

隱士衫

成芳隱麥林山剝苧織布爲短襦寬袖之衣著以結

酒自稱隱士衫

梁福廬
陵記

大鯉五色

孫願夜行橫塘見池中
大魚映月吸水移時不
去池外數步有一小坎
正涵北斗有蝦蟆數十
共來飲啜願異之明日
汰池中惟有一大鯉身已
五色復來坎所訪求蝦
蟆得三足者數十

馮雲金
溪記

烟姿玉骨

袁豐居宅後有六株梅
開時爲隣屋烟氣所爍
屋乃貧人所寄豐卽圖泥
塞竈張幕蔽風久之拆去其

屋歎曰烟姿玉骨世外佳人但恨無傾城笑耳卽
使妓秋蟾出比之乃云可與比驅爭先然脂粉之
徒正當在後

張洞林桂志

日精

陸展郎中見楊梅歎曰此果恐是日精然若無蜂兒
採香誰勝難和之味卽以竹絲籃貯千枚并茶花
蜜送衡山道士常奉

真胡潭記

屋龍更衣

饒于卿隱廬山康王谷無瓦屋代以茅茨每年一易

茅謂之屋龍更衣或時雨溼致漏則以油幄承梁

坐于其下初不愁歎

十三賢共往廬山記

掌有臥蛇文

傳咸掌有臥蛇文指甲上隱起花草如雕刻是以文

章過人

逍遙公南康記

遷官面長額有光氣

郭汾陽每遷官則面長二寸額有光氣事已乃復

王隴

書

壺中景

石崇砌上就苔蘚刻成百花飾以金玉曰壺中之景

不過如是

耕桑偶記

水松牌刷

李白遊慈恩寺寺僧用水松牌刷以吳膠粉捧乞新詩白爲題訖僧獻玄沙鉢綠英梅檀香筆格蘭縑

袴紫瓊霜

海墨微言

泛春淥

汝陽王璡取雲夢石甃泛春淥以蓄酒作金銀龜魚浮沉其中爲酌酒具自稱釀王兼麴部尚書

醉仙圖記

酒器九品

李適之有酒器九品蓬萊盞海川螺舞仙盞瓠子卮
慢捲荷金蕉葉玉蟾兒醉劉伶東溟樣蓬萊盞上
有山家三島棧酒以山沒爲限舞仙盞有闕棧酒
滿則仙人出舞瑞香毬子落盞外

蓬原記

啼猿生蕨

猿啼之地蕨乃多有每啼一聲遽生萬蕨

窮幽記

碎金面碁盤

蘇尚書八十猶參禪大瀉訪之以手拍碎金面碁盤

尚書尋有悟解

舊祖禪學錄

花簪壓損帽簷

梁緒梨花時折花簪之壓損帽簷至頭不能舉

祥雲志

翡翠指環蜻蜓帽

何充妓于後閣以翡翠指環換刺繡筆充知曰此物

洞仙與吾欲保長年之好乃令蒼頭以蜻蜓帽贖

之

枚樓記

赤將軍

歌舒翰有馬曰赤將軍翰愛之甚嘗以朝章加其背

曰過吾比林兒遠矣此駿材也

馬癖記

地脂

高展爲并門判官一日見砌間冰出以手撮之試塗
一老吏面上皺皮頓改如少年色展以謂必神藥
問承天道士答曰此名地脂食之不死展乃發軔
已無所覩

方鎮編年

一醉六日

張麟一醉六日嚙柱幾半

醉錄

郇公廚

韋陟廚中飲食之香錯雜人入其中多飽飫而歸語
曰人欲不飯筋骨舒賁緣須入郇公廚

長安后記

檜生藥圓

幽燕思仙驛後有五樹檜忽生藥圓試摘服之往往

療疾有驗

幽燕記異

嚼雞舌香

飲酒者嚼雞舌香則量廣浸半天回則不醉

酒中玄

能詩

能詩之士雨泡滅則得意香烟斷而成吟

白氏金鎖

盡數天星徧知棊勢

人能盡數天星徧知棊勢

止戈集

雌雄樹

九仙殿銀井有梨二株枝葉交結宮中呼爲雌雄樹

金鑾密記

貯蘭蕙

王維以黃磁斗貯蘭蕙養以綺石累年彌盛

汗漫錄

百齒梳

孫思邈以交加木造百齒梳用之養生要法也

樵人直說

雲適淡墨

卷之三

天

降龍道者

戴顒見降龍道者曰生死外人願陳三拜獻護經籙

青銅磬

芳賢傳

種蔬助鼎俎

宋宇種蔬三十品時雨之後按行園圃曰天苗此徒

助予鼎俎家復何患

後章記

松精成使者

茅山有野人見一使者異服牽一白羊野人問居何地曰偃蓋山隨至古松下而沒松形果如偃蓋意

使者乃松樹精羊乃茯苓耳

金陵記

龍窠石

中山僧表堅面多癍痕偶溪中得一石如雞子夜覺
凉冷信手磨面癍痕盡滅後讀博異志曰龍窠石
磨瘡癍大効

廬山記

笑春紅

閬州參軍黃涉婢曰笑春紅死涉念之淚洒犀簾至

損壞

蜀魯錄

折筯不休

山濤酒後哺啜折筋不休

酒中

防風粥

白居易在翰林賜防風粥一甌剔取防風得五合餘

食之口香七日

金鑒
密記

麒麟草

元和時館閣湯飲待學士者煎麒麟草

鳳翔
退耕

菖蒲成獅子鸞鳳狀

僧普寂大好菖蒲房中種成獅子鸞鳳仙人之狀

海

徵
言

鳳眼

龍道千卜室于積玉坊編藤作鳳眼窻支床用薜荔
千年根炊飯洒沈水香設酒取山鳳髓青州雜記

仙人柏葉書

郭天明巧思橫生能摺書簡反覆如柏葉狀鄉人謂
之柏葉書安成

劒生神芝則天下晏清

成都朱善存家世寶一劒每生神芝則天下晏清如
安史黃巢之亂劒皆吐黑烟屬天不差釐王璧集

聚芳圖百花帶

宗測春遊山谷見奇花異草則繫于帶上歸而圖其

形狀名聚芳圖百花帶人多效之

高士春秋

眉睫間常化佛

清涼僧海豐苦行二十餘年人見其眉睫間常化佛
千百大如黍米往來遊行已不覺也

清涼僧海

王維居輞川地不容塵

王維居輞川宅宇既廣山林亦遠而性好溫潔地不
容浮塵日有十數掃飾者使兩童專掌縛帚而有

時不給洛都
要記

磁石益眼

益眼者無如磁石以爲盆枕可老而不昏寧王宮中

多用之豐寧
傳

魚喜鹿胎香

揚州太守閭丘惠會僚友於轉沙亭集境內漁戶令
曰所得魚多者有金帛之賞有一漁人以肉物作
塊散懸于網上取魚倍衆多凡十網得魚三千六
百無甚小者衆慙而退太守詢之曰魚喜鹿胎之

香適散懸者乃此物也下網召之萬魚畢聚矣

揚州

事迹

鶴識字

衛濟川養六鶴日以粥飲啖之三年識字濟川簡書

皆使銜取之無差

金城託

龍口渠

翰林有龍口渠通內苑大雨之後必飄諸花藥經繇

而出有百種香色名不可盡春三月尤妙

金鑾密記

口中現五色牙齒

孔幾好術藝延接方士多所傳授能口中現五色牙

齒彩色光絢一瞬卽改

止戈集

遊仙枕

龜茲國進一枕色如瑪瑙枕之則十洲三島四海五

湖盡入夢中帝名爲遊仙枕

開元天寶遺事

吸花露

貴妃每宿酒初消多苦肺熱凌晨傍花枝口吸花露

潤肺

開元遺事

六甲衍廚

左慈明六甲能役鬼神坐致行廚

郭洪傳

龍牀

朝志和有道術憲宗時獻一龍牀坐則鱗鼠爪角皆

動又于御前以蠅虎子數十令分隊舞梁州曲皆

中音節

沈玠傳

閃電窻

帝觀書處窻戶玲瓏相望金鋪玉觀輝映溢目號爲

閃電窻

南部烟花記

山家清供

青精飯

青精飯首以此重穀也按本草南燭木今黑飯草卽青精也采枝葉搗汁浸米蒸飯暴乾堅而碧色久服並顏延算仙人又有青精石飯世未知石爲何也按本草用赤石脂三斤青梁米一斗水浸越三日搗爲丸如李大日服三丸可不飢是知石卽石脂也二法皆有據第以山居供客則當用前法如欲効子房辟穀當用後法每讀杜詩旣曰豈無青精飯令我顏色好又曰李侯金閨彥脫身事幽討

當時才名如杜李可謂切于愛君憂國矣天乃不使之壯年以行其志而使之俱有青精瑤草之思惜哉

碧澗羹

芹楚菜也又名水英有二種荻芹取根赤芹取葉與莖俱可食二月三月作羹時采之入湯取出以苦酒研芥子入鹽與茴香浸之可作菹惟淪而羹之者既清而馨猶碧澗然故杜甫有香芹碧澗之句或者芹微草也杜甫何取焉誦詠之不暇不思野

人持此猶欲以獻于君者也

冰壺珍

太宗問蘇易簡曰食品稱珍何者爲最對曰食無定味適口者珍臣心知薑汁羹太宗笑問其故曰臣一夕酷寒擁爐燒酒痛飲大醉擁以重衾忽醒渴甚乘月中庭見殘雪中覆一薑盎不暇呼童掬雪于手滿飲數缶臣此時自謂上界仙廚鸞脯鳳脂殆恐不及屢欲作冰壺先生傳紀其事未暇也太宗笑而然之後有問其方者僕答曰用清麪湯浸

以薺菜解醉渴一味耳或不然請問之冰壺先生

藍田玉

漢地理志藍田出美玉魏李預每羨古人殮玉之法
乃往藍田果得美玉瑾七十枚爲屑服食而不戒
酒色偶疾篤謂妻子曰服玉必屏居山林排棄嗜
慾雖不服玉亦可矣今法用瓠一二枚去皮毛截
作二寸方片爛蒸以醬食之不煩燒煉之功但除
一切煩惱妄想久而自然神清氣爽較之前法差
勝矣故名法制藍田玉

豆粥

漢光武在蕪荑亭時得馮異奉豆粥至久且不忘報
況山居可無此乎用沙餅爛煮赤豆候粥少沸投
之同煮暨熟而食東坡詩曰江頭千頃雪色蘆茅
簷中沒晨烟孤地確春稻光似玉沙餅煮豆軟如
酥老我此身無著處賣書來問東家住臥聽雞鳴
粥熟時蓬頭曳杖君家去此豆粥法也若夫金谷
之會徒咄嗟以誇客孰若山舍清談徜徉以俟其
熟也

槐葉淘

杜甫詩云青青高槐葉采掇付中廚新麪來近市汁
滓宛相俱入鼎資過熟加食愁欲無卽此見其法
于夏采槐葉之高秀者湯少瀹研細濾清和麪作
淘乃以醢醬爲熟齏簇細首以盤行之取其碧鮮
可愛也末句云君王納涼晚此味一時須不惟見
詩人一食未嘗忘君耳知貴爲君王亦令知山林
之味旨哉詩乎

地黃飢飢

崔元亮海上方治心痛去蟲積取地黃大者淨搗碎
和細麴作餅飪食之出蟲尺許卽愈貞元間通事
舍人崔杭如法作淘食之蟲出如蟞狀自是心患
除矣本草浮爲天黃半沉爲人黃性沉者佳宜用
清汁入鹽則可食或淨洗細截和米煮粥良有益
也

玉糝羹 或用出芋

東坡一夕與子綰飲酣甚搥蘿菔爛煮不用它料只
研白米爲粉糝食之忽放箸撫几曰若非天竺酥

酡人間決無此味

素蒸鴨

鄭餘慶有親朋辰至敕家人曰燭蒸去毛勿拗折項
客意鵝鴨也良久乃蒸壺蘆一枚耳今岳倦翁珂
書食品附庖者詩云動指不須占染鼎去毛切莫
拗蒸壺岳勳閔也而知此味異哉又云盧懷慎事

黃精果 餅茹附

仲春深時采根九蒸九暴搗如飴可作果食又細切
一石水二石五升煮去苦味漉入絹袋壓汁澄之

再煎如膏以炒黑豆黃末作餅約二寸大客至可供二枚又采苗可爲菜茹隨羊公服法芝草之精也一名仙人餘糧其補益可知矣

傍林鮮

夏初林筍盛時掃葉就竹邊煨熟其味甚鮮名曰傍林鮮文與可守臨川正與家人煨筍午飯旣忽得東坡書詩云想見清貧饒太守渭川千畝在胸中不覺噴飯滿案想作此供也大凡筍貴甘鮮不當與肉爲友今俗庖多雜以肉不思纔有小人便壞

君子若對此君仍大嚼世間那有揚州鶴東坡之言是矣

凋菰飯

凋菰葉似蘆其米黑杜甫故有波漂菰米沉雲黑之句今胡祿是也暴乾礪洗造飯既香而滑杜詩又云滑憶凋菰飯又會稽人顧翺事母孝母好嗜菰翺常自來擷家瀕太湖後湖中皆生凋菰無復餘艸此孝感也世有厚于奉已薄于奉親者視此寧無愧乎嗚呼孟荀王魚豈偶然哉

土芝丹 小者土栗黃

芋名土芝大者裹以溼紙用黃酒和糟塗其外以糠皮火煨之候香熟取出安拗地內去皮溫食冷則淺破血用鹽則洩精取其溫補名土芝丹昔嬪嬪師正煨此牛糞火中有召者卻之曰尚無清緒收寒涕那得工夫伴俗人又山人詩云深夜一爐火渾家團樂坐煨得芋頭熟天子不如我其嗜好可知矣小者暴乾入瓮候寒月用稻草煖熟色如栗名土栗黃雅宜山谷舍擁爐之夜爲供趙兩山汝

靈詩云煮魚雲生鉢燒芋雪上眉益得有所見非
苟作也

柳葉韭

溫無毒清心安
五臟又名蘆

杜詩夜雨剪春韭世多誤爲剪之于畦不知剪字極
有理蓋于煤時必先齊其本如烹薤圓齊玉筍頭
之意乃以左手持其末以其本堅湯內少煎其末
棄其觸也只煤其本帶投冷水中出之其本堅脆
然必以竹刀截之又方采嫩柳葉少許同煤尤佳
故曰柳葉韭

松黃餅

暇日過大理寺訪秋巖陳評事介留飲出二童歌淵明歸去來辭以松黃餅供酒陳方巾美髯有超俗之標飲邇味此使人洒然起山林之興覺駝峯熊掌皆下風矣春末松花黃和蜜漬作餅如雞舌龍涎狀不惟香味清甘亦自有所益也

紫英菊

菊名治穠本草名節花陶註云菊有二種莖紫氣香而味甘其葉乃可羹莖青而大氣似蒿而苦名苦

也。意非菊也。今法春采苗略炒黃熟下姜鹽羹之可
物。清心明目。加杞尤妙。天隨子杞菊賦云。爾杞未棘
爾菊未莎。其如余何。本草杞葉似榴而軟者能輕
身益氣。其子圓而有刺者。名狗棘。不可用。杞菊微
物也。有少差。猶不可用。然則君子小人豈容不辨
哉。

銀絲供

張約齋鑑性喜延山林湖海之士。一日午酌數盃後
命左右作銀絲供。且戒之曰。調和教好。又要真。

味衆客謂必鱸也良久出琴一張請琴師彈離騷
一曲衆始知銀絲乃琴絃也調和教好調絃也又
要有真味蓋取淵明琴書中有真味之意也張中
興勳家也而能知此真味賢矣哉

進賢菜 蒼耳飯

蒼耳泉耳也江東名嘗泉幽州名爵耳形如鼠耳陸
璣疏云葉青白色似胡荽白華細莖蔓生采嫩葉
洗焯以姜鹽苦酒拌爲茹可療風杜詩云蒼耳況
療風童兒且時摘詩之蒼耳首章云嗟我懷人寘

彼周行酒醴婦人之職臣下勤勞君必勞之因采
此而有所感念及酒醴之用以此見古者后妃欲
以進賢之道諷其上因名進賢菜張氏詩曰閨闈
誠難與國防咄嗟徒御困高岡觥罍欲解痛瘡恨
充耳元因避酒漿其子可糴米粉爲糗故古詩有
碧澗水淘蒼耳飯之句云

神仙富貴

煮朮與菖蒲暴爲末每一斤用蒸山藥末三斤煉蜜
水調入麴作餅蒸收候客至蒸食條切亦可羹章

簡公詩云朮薦神仙餅菖蒲富貴花

蜜漬梅花

楊誠齋詩云甕澄雪水釀春寒蜜點梅花帶露餐
句裏略無烟火氣更教誰上少陵壇剝白梅肉少許
浸雪水以梅花溫釀之露一宿取出蜜漬之可薦
酒較之敲雪煎茶風味不殊也

蓬糕

候飯沸以蓬拌
變煮名蓬飯

采白蓮嫩者熟煮細搗和米粉蒸熟以香爲度世之
貴介第知鹿茸鍾乳爲重而不知食此實大有補

詎可以山食而鄙之哉閩中有草稗

麥門冬煎

春秋采根去心搗汁爲膏和蜜以銀器溫酒化服滋益多矣

雪霞羹

采芙蓉花去心蒂湯淪之同豆腐煮紅白交錯恍如雪霽之霞名雪霞羹加胡椒萱亦可也

真君粥

杏煮去核候粥熟同煮可謂真君粥向遊廬山聞黃

真君未仙時多種杏歲稔則以杏易穀歲歉則以穀賤糶時得活者甚衆後白日昇仙世有詩云爭似蓬花峰下客種成紅杏亦昇仙豈必須于煉丹服氣苟有功德于人雖米死而名以仙矣因名之

廣寒糕

采桂英去青蒿酒以甘州水和米春熟炊作糕六比歲士友咸作餽子相饋取廣寒高中之識又有采花略蒸暴乾作香者吟邊酒裏以古鼎然之尤有清意童用婦師禹詩云膳瓶清酌持詩興不與飲

葩暈酒香可謂得此花之趣也

鬆玉

文惠太子問周顒曰何菜爲最顒曰春初早韭秋末
晚菘然菘有三種惟白子玉者甚鬆脆如色稍青
者絕無風味因俛其白者曰鬆玉亦欲世之食者
有所決擇也

忘憂齋

嵇康云合歡蠲忿萱草忘憂崔豹古今注則曰丹棘
又名鹿蔥春采苗湯瀹以醯醬作爲齋或煨以肉

何處順宰六合時多食此毋乃以邊事未寧邪因
贊之曰春日載陽采萱于堂天下樂兮其憂乃忘

脆胆肝

蒿苳去葉皮寸切瀹以沸湯搗姜鹽糖熟酒醋拌漬
之頗甘脆杜甫種此旬不甲折且歎君子晚得微
祿輒軻不進猶芝蘭困于荆杞中以是知詩人非
爲口腹之奉實有感而作也又名蒿笋

金玉羹

山藥與栗各片截以姜汁加料煮名金玉羹

牡丹爲貴客

梅爲清客

蘭爲幽客

楚今改

桃爲天客

杏爲艷客

蓮爲淨客

淨亦作李

桂爲巖客

海棠爲蜀客

躑躅爲山客

梨花爲淡客

瑞香爲國客

木芙蓉爲醉客

葡萄爲壽客

酴醾爲才客

臘梅爲寒客

素馨爲韵客

丁香爲情客

瑞花爲仙客

葵爲忠客

含笑爲佞客

楊花爲強客

玫瑰爲刺客

月桂爲癡客

木槿爲時客

莊今改

鼓子花爲田客

孤燈爲窮客

石榴爲存客

天今改

曼陀羅爲惡客

棠梨爲鬼客

棣萼爲俗客

兄弟之義

木筆爲書客

以上見姚氏集傳

芍藥爲嬌客

風仙爲羽客

紫薇爲詞客

水仙爲雅客

杜鵑爲仙客

萱草花爲歡客

橘花爲雋客

梔子爲彈客

來禽爲靚客

山礬爲幽客

棟花爲晚客

菖蒲爲隱客

玉繡毬爲弔客

枇杷爲麓客

茉莉花爲狎客

李花爲俗客

月丹爲豪客

菱花爲水客

迎春為僭客

以上新添

睡香

廬山瑞香花始緣一比丘晝夜寢盤石上夢中聞花香烈酷不可名既覺尋香求之因名睡香四方奇之謂乃花中祥瑞遂以睡易瑞

假君子

牽牛

白明童子

川島

淡伯

厚朴

木椒

胡椒

雪眉同氣

白扁豆

含九使者

椒

鹹毒仙

預知子

貴老

陳皮

遠香卿

沉香

化米先生神

九日三官吳茱萸

燄更硫黃

三閭小玉芷白

中黃節士麻黃

時美中蔣蘿

導河椽木猪苓

嗽神五味子

削堅中尉一作都

曲方氏防風

白大壽一作苦求苦吳洞庭奴隸枳殼

黃英古檀香

綠劍真人菖蒲魏去疾阿魏

禹孫澤瀉

橐藥尊師仙靈脾風稜御史史君

雪如來白芨

風團頭縮砂救肺侯沙參

骨鯁元君草薢

苦督郵黃芩大青尊者朴

調睡參軍酸棗仁

黑師命茯苓知微老白薇

雲

卷

一

既濟

升麻

冷翠金剛

石榴葉

脫孩仁

桃仁

澀翁

詞蔡勒

抱靈居士

香附子

隨陽給事

甘遂

斜枝大夫

龍膽艸

野丈

白頭翁

建陽八座

蛇床子

玄房仲長

旱筴

藥生藥王

覆盆子

仁棗

川練子

石仲寧

滑石

命門錄事

安息香

隱上座

郁李仁

水上狀元

紫蘇

飛風道者

牙硝

畢荷和尚

華澄茄

脾家瑞氣

肉豆蔻

甜面淳子

蜜陀僧

剔骨香

青皮

痰宮劈歷

半夏

玉虛飯

龍腦

鎖眉根

苦參

黑龍衣

鼈甲

小帝青

青鹽

百辣雲

生薑

綬帶米藥麥

半夏精星天南

夜金雄黃

沙田髓精黃

無聲虎大黃

小昌明草鳥頭

草兵巴豆

巢烟九助梅鳥

百子室草果

皺面還丹人參

琥珀脂松

賊參

不死面茯苓

火泉瀝竹

北月沉香鳥藥

陸續丸蔓荊子

地白瓜萎

天豆破故紙

滴膽芝黃連

新羅白玉白附子

瘦香嬌丁香

破開衡蓬朮

血積牡丹皮

玉絲皮杜仲一作王孫皮

川元蠶芎元一作九

九女春鹿茸

百藥綿黃耆

英華庫

益智

通天拄杖

牛膝

赤天佩

黃姜

丹田霖雨

巴戟

百丈鬚

石斛

飛天蔬

旋覆花

安神隊仗

冬麥門

鄆芝

天麻

金山力士

自然銅

麝男

甘松

冰喉尉

薄荷

草果妹

大腹皮

腎曹都尉

胡蘆巴

壽祖

威靈仙

玲瓏霍去病

藿香

千服油

葵仁

延年卷雪

桑白皮

水銀腊

輕粉

黃香影子

梔子

六停劑

五味子

顯明犯

阿膠

山樣珊瑚

木通

中央粉

蒲黃

齋帚

何首烏

支解香

丁香皮

洗漳丹

槐柳

海醋腊

麒麟竭

水磨橄欖

子金櫻

無名印

地榆

無憂扇

杷枇

鬼木串

角槐

黑然星

砂夜明

續命筒

漆乾

蠻龍古血

藥沒

清涼種

香薷

羽化魁

皮五加

度厄錢

連翹

聖龍菴

麥瞿

翻胃木

山常

湯主

山茱萸

醒心杖

速志

玉皇爪

馬鈴

偷蜜珊瑚

甘艸

德兒

杏仁

混沌蟬

寄生

永嘉聖脯

乾姜

紅心石

赤石脂

藥本

五靈脂

靜風尾

荊芥

正坐丹

砂附子

迎陽子

兔絲子

山屠

黃蘗

錦繡根

芍藥

草魚目

薏苡

茅君寶篋

木茗

尉陀

桂官

鍊形松子

仁松子

蘆頭豹子

此

丑寶

黃牛

肚裏屏風

艾

九畹菜

蘭澤

女二天

歸當

大通錄

香木

旱水晶

砂礪

還元大品

黃地

兩平草

羌活

死冰

白蠶

一寸樓臺

蜂窩

三尸錄

杞

無情手

砂礪

拔萃團

香齋

綠鬚姜

細辛

笑靨金

花菊

走根梅

姜乾

八月珠

香荷

銀條德

山藥

埋光

良姜

樁聖

撥華

破軍殺

大戟

吉祥杵

枯梗

金母蛻

金鬱

線子檀

香茅

良醫匕首

蔞

產家史器

秦

涵金卵

延胡索

鬼丹

蘆薈鬼一作兒

宜州樣子

白豆蔻

瓦瓏斑

貝母

孝梗

知母

萬金茸

紫苑

奏尖

蒺藜

西天蔓

胡前

蕨臣

卷栢

五福嚮

白欒

保生葵

藁本

徠奴

狗脊

蒜腦

百合

備身弩

芫花

帝膏

蘇合香

玉靈片

石膏

為惡報應

春秋

彭生現形索命襄公

經桓公十有八年春王正月公會齊侯于濶註濶水在齊南

歷城縣西北入濟濶國為及又公與夫人姜氏遂

如齊夏四月丙子公薨于齊註不言戕諱之丁酉

公之喪至自齊冬十有二月己丑葬我君桓公○

莊公八年冬十有一月癸未齊無知弑其君諸兒

註兒如字一傳丁亥十八年公將有行桓公將遂

與姜氏如齊將因出行而回夫申繻曰女有家申繻

諫公言女當男有室男當安于無相廩也達此則

安于夫之家男有室妻之室無相廩也男女相

亂謂之有禮不相瀆易此必敗及易此禮而同出

公遂及文姜如齊不從申齊焉齊襄公文姜

私通此南山詩序所謂鳥公譖之桓公知之而責

責也夏享公齊襄公為燕享使公子彭生乘公禮

譖也既畢桓公登車齊侯公薨于車彭生多力齊侯使

使彭生與公同乘公薨于車彭生多力齊侯使

殺魯人告於齊曰魯人以公薨寡君畏君之威言

魯君畏齊不敢寧居不敢安來修舊好所以至齊

君之威嚴不敢寧居居于國來修舊好國而講舊

日和好禮成而不反享禮既畢無所歸咎不知公

好平聲禮成而不反而死于齊無所歸咎死之繇

無所惡于諸侯魯國恥辱之請以彭生除之彭生

訴罪惡于諸侯惡聞于諸侯請以彭生除之彭生

與公同車而致公死請殺齊人殺彭生從魯之請

彭生而除恥辱之惡也

八年齊侯見承張本齊侯使連稱管至父戌葵丘連稱管

人皆齊大夫也襄公使之瓜時而往瓜熟之時曰

戌守葵丘之地稱尺證反瓜時而往而使之往

及瓜而代襄公與之約曰侯明期戌滿一人出戌已

基公問不至襄公無代請代二人請于弗許襄公

使人故謀作亂二人同公孫無知有寵于僖公僖公

往代公之任名無知衣服禮秩如適待之亦如親襄公

僖公甚寵愛之

紂之襄公妒無知為父所寵及二人因之以作亂

連稱管至父乃齊侯遊于姑焚襄公田游姑焚遂

奉無知以作亂

齊侯遊于姑焚襄公田游姑焚遂

齊侯遊于姑焚襄公田游姑焚遂

齊侯遊于姑焚襄公田游姑焚遂

齊侯遊于姑焚襄公田游姑焚遂

齊侯遊于姑焚襄公田游姑焚遂

齊侯遊于姑焚襄公田游姑焚遂

田于貝丘

因而田獵于貝丘之地

見大豕

襄公見一大豕于前見音現

從

者曰公子彭生也

公之從者見之皆以為公子彭生蓋魯桓十八年襄公殺彭生

也公怒

襄公聞從者言而怒

曰彭生致見

言彭生為鬼敢射見形以示我

射

之

遂發矢而射之射食亦反

豕人立而啼

其豕忽作人立而啼哭

公懼

襄公

見怪而懼

墜于車

驚而墜于車下墜音墮

傷足喪屨

因墜車而損足且失其履

喪去聲

反

齊國誅屨于徒人費

誅責也徒人徒役之其名曰費屨九具

反費音秘

弗得

公自失履而乃責于費故無從可得也

鞭之

見血人費故

痛鞭

走出

費被鞭而走出遇賊於門

則諸人作亂者

劫而

束之

群賊劫徒人費將加束縛

費曰我奚御哉

費言我不為君而禦汝曹也御

音祖而示之背乃肉祖而示賊信之賊遂信其費

請先入費乃詐欲助賊伏公而出費先入乃藏

然後出死干門中為賊所殺石之紛如死於階下紛如

臣亦遂入賊遂殺孟陽于牀孟陽亦小臣代公曰

非君也賊言居牀者不類言面貌見公之足於戶

下公立戶後獨露遂弑之襄公為賊所殺而立無知賊立

無知以
為齊侯

申生現形責弟夷吾

傳齊侯改葬共太子太子申生也諡曰秋狐突適下

國下國曲沃申生所居邑也遇太子申生已死狐突忽如夢而見之太子使登

僕先是伐卑落氏狐突御戎故而告之曰夷吾無

禮或曰無禮者謂夷吾忝于余得請于帝矣申生

訴于上帝欲罰將以晉界秦界付也言將秦將祀

余秦國將祭對曰臣聞知神不歆非類答言民非

則神不歆其祭祀民不祀非族神非其族類者則君祀無

乃殄乎如此則太子之且民何罪言罪在夷吾而

失刑乏祀豈可以晉界秦而使民君其圖之欲太

之君曰諾太子許諾吾將復請我將復請之于七日

新城西偏將有巫者而見我焉

言七日後曲沃新城之西偏將有巫

者而與之俱見我也

及期而往

七日後狐突復往

告之曰帝許我罰

有罪

言再得請于上止罰夷吾之身不以晉界秦矣

敝於韓

敝敗也韓音地名焉

十五年晉惠公敗于韓張本

趙同趙括索命晉侯

經丙午晉侯孺卒

註據傳丙午六月七日孺乃侯反

傳庚辰十年晉侯夢大厲被髮及地

齊景公有疾夢見大鬼被髮至

地

搏膺而踊

以手擊胸以足踣踊

曰殺余孫不殺

鬼蓋趙氏之先祖也

六年晉殺趙同趙括余得請於帝矣言我訴其冤不以其罪故曰不殺

請公覺景公既醒召桑田巫桑田晉邑名有神巫能占鬼神故召而問

之巫言如夢巫言鬼怒公曰如何問其吉凶曰不食新

矣巫言公將死不得食新麥矣公疾病曰病重求醫于秦秦有良醫故往

焉求秦伯使醫緩為之秦桓公使良醫名緩者往治之未至醫未至公

夢疾為二豎子景公又夢所患之疾曰彼良醫也

其二豎子言秦懼傷我則必害我焉逃之不知何處可以

避其一曰居育之上膏之下其一豎子言我當避

膈也心下為若我何彼雖良醫至醫至醫緩曰疾不

可為也言景公之疾不可治矣在育之上膏之下與公所攻

之不可

也攻熨

達之不及

皆達針也言針灸

藥不至焉

言藥不能至膏肓也

不可為也

上即今醫經所灸膏肓一穴

也秦緩察病精而治法疎故不能求其穴

公曰良醫也

秦緩之言適與

良厚為之禮而歸之

乃以厚禮待之遣歸于秦

六月

今四月麥初熟晉

侯欲麥

景公欲食新麥

使甸人獻麥

甸人主使之獻麥

田饋人

為之

饋人主冶飲食者使之供具

召桑田巫

召前此占夢者

示而殺之

巫昨言公不食新公謂其言不驗故示之以麥而殺之

將食

公將食麥

張張然腹

聲如廁

遽起

陷而卒

遂陷于廁而死竟不得食新麥

伯有索命駟帶公孫段

傳鄭人相驚以伯有

伯有良宵也襄公三十年鄭人殺之至是以其能為鬼而相驚

曰伯有至矣

言其鬼也

則皆走

皆畏而走

不知所往

驚畏甚鑄

刑書之歲二月

鑄刑書在去年

或夢伯有介而行

或人夢見伯有

被甲而行曰壬子

伯有言此年壬子日

余將殺帶也

我將取駟帶而殺之報其

助子皙殺已也

明年壬寅

明年之壬寅日

余又將殺段也

又將取公孫段

而殺之報其黨于駟氏也

及壬子

至去年三月三日壬子

駟帶卒

應殺帶之夢

齊燕平之月

今年正月齊燕二國講和也

壬寅

二十八日壬寅公孫段

卒

應殺段之夢

國人愈懼

所以鄭人相驚而走

子產立公孫洩及

良止以撫之

洩子孔之子也襄公十九年鄭殺子孔良止伯有之子也立此二人為大

夫以安子伯有之鬼乃止伯有之子大叔問其故游吉問

立二人之故大音太子產曰鬼有所歸答言為鬼者得乃不

為厲厲然後不為淫吾為之歸也我立良止為伯有

有所歸也

史記

竇嬰灌夫索命田蚡

漢武帝時武安侯田蚡索隱曰蚡音扶蚡反乃有蜚

語為惡言聞上張晏曰蚡偽作語故以十二月晦論

灌夫竇嬰棄市渭城其春武安侯病專呼服謝罪

漢書音義曰言蚡號呼謝服罪也使巫視鬼者視之見竇嬰灌夫

共守欲殺之竟死徐廣曰蚡疾見竇嬰灌夫鬼殺之

趙王如意索命高后

高后八年三月被霸上師古曰被者除惡之祭也音廢還過枳道見

物如倉狗擻高后掖師古曰擻謂拘持之也忽而

不見卜之趙王如意為祟遂病掖傷而崩先是高

后鳩殺如意支斷其母戚夫人手足摧其眼以為

人彘師古曰摧謂敲擊去其睛也摧音口角反

涪令妻索命游徼

王忱

忱音屯

舉茂才除郿令到官至釐亭

釐音台

亭長曰

亭有鬼數殺過客不可宿也忱曰仁勝凶邪德除不祥何鬼之避卽入亭止宿夜中聞有女子稱冤之聲忱兕曰有何枉狀可前求理乎女子曰無衣不敢進忱便投衣與之女子乃前訴曰妾夫爲涪令之官過宿此亭亭長無狀枉殺妾家十餘口埋在樓下悉盜取財貨忱問亭長姓名女子曰卽今門下游徼者也忱曰汝何故數殺過客對曰妾不得白日自訴每夜陳冤客輒眠不見應不勝感恚

故殺之恠曰當爲汝理此冤勿復殺良善也因解衣于地忽然不見明旦召游徼詰問具服罪卽收繫及同謀十餘人悉伏辜遣吏送其喪歸鄉里於是亭遂清安

袁盎譖黷錯尋中刺客

錯謀削六國爲社稷忠慮雖行之無漸又欲使天子自將而已居守然其初意則在安國也盎與錯有隙因屏左右奏言六國所惡者獨錯耳誅錯若必解天子信之遂朝服斬東市全家死焉盎尋爲梁

王刺客所殺錯死外藩益亦死外藩可謂畫樣矣
按錯旣誅吳兵終不解則益分明是借事殺之
耳又水識序云唐懿宗時一僧戒行精嚴遇道
人與相知契及分袂命之曰子有意難可來某
處相尋後潛爲懿宗說法賜沉香爲座未幾發
一人面癰痛苦不可忍乃尋道人指巖下泉使
洗之旣掬水癰乃言曰且緩之汝曾讀漢書識
袁盎害鼂錯乎曰識之曰子袁盎吾鼂錯也子
害吾腰斬棄市冤爲何如以子十世出家道行

精嚴吾不得報今受人主過寵名利心起故吾
得以害之今蒙尊者解我以三昧甘露水不復
爲冤矣於是洗之痛徹心肝絕久復蘇癰漸枯
繇此言之孰謂讒害無報哉

三國志

游殷索命胡軫

魏志游殷爲郡功曹殷先與司隸校尉胡軫有隙軫
誣構殺殷殷死月餘軫得疾患自說但言伏罪伏
罪游功曹將鬼來于是遂死于時關中稱曰游殷

生有知人之明死有貴神之靈

先是西鄉侯涼州刺史張既爲兒童

時殷察異之具設賓饌謂其妻曰方伯之器也

于吉再三顯魂索命孫策

吳志孫策曹公表策爲討逆將軍封吳侯時有道士琅邪于吉先寓居東方往來吳會立精舍燒香讀道書制作符水以治病吳會人多事之策嘗于郡城門樓上集會諸將賓客吉乃盛服趨度門下諸將賓客三分之一下樓迎拜之掌賓者禁呵不能止策卽令收之諸事之者悉使婦女入見策母請

救之母謂策曰于先生亦助軍作福醫護將士不
可殺之策曰此子妖妄能幻惑衆心遂使諸將不
復相顧君臣之禮盡委策下樓拜之不可不除也
諸將復連名通白事陳乞之策曰今此子已在鬼
錄勿復費紙筆也卽催斬之縣首于市諸事之者
尚不謂其死而云尸解焉祭祀求福先是策殺吳
郡太守許貢貢小子與客亡匿江邊策單騎出卒
與客遇客擊傷策策旣被瘡醫言可治當好自將
護百日勿動策旣殺于吉每獨坐彷彿見吉在左

右意深惡之頗有失常後治瘡方瘥而引鏡自照見吉在鏡中顧而弗見如是再三因撲鏡大叫瘡皆崩裂須臾而死

晉書

高寶索命阮放

阮放遷吏部郎時成帝幼冲庾氏執政放求爲交州乃除監交州軍事揚威將軍交州刺史行達寧浦逢陶侃將高寶平梁碩自交州還放設饌請寶伏兵殺之寶衆擊放敗走保簡陽城得免到州少時

暴發渴見寶爲祟遂卒

簡良等索命羊聃

羊聃爲廬陵太守剛戾麤暴恃國戚縱恣尤甚睚眦之嫌輒加刑殺疑郡人簡良等爲賊殺二百餘人誅及嬰孩庾亮執之歸于京都琅邪太妃山氏聃之甥也入殿叩頭請命王導又啓聃罪不容恕宜極重法山太妃憂戚成疾階下罔極之恩宜蒙生全之宥于是詔下曰太妃唯此一舅發言摧咽乃至吐血情慮深重朕往丁荼毒受太妃撫育之恩

同于慈親若不堪難忍之痛以致頓斃朕亦何顏
以寄今便原聘生命以慰太妃渭陽之恩于是除
名頃之遇疾恒見簡良等爲祟旬日而死

休祐索命晉太宗

晉平刺王休祐文帝第十三子也休祐狼戾彊梁前
後忤上非一積不能平且慮休祐將來難制欲方
便除之泰始七年二月車駕于巖山射雉有一雉
不肯入場日暮將返太宗令休祐射之語云不得
雉勿歸休祐便馳去上因遣壽寂之等諸將追之

日已欲聞與休祐相及逼令墜馬休祐素勇壯有氣力奮拳左右排擊莫得近有一人後引陰因頓地卽共毆拉殺之太宗尋病見休祐爲祟上遂崩南齊書

蕭諶索命莫智明

蕭諶字彥孚南蘭陵人也建武元年轉領軍將軍左將軍南徐州刺史給秩進爵衡陽郡公食邑三千戶高宗初許事克用諶爲揚州及有此授諶恚曰見炊熟飯推以與人王宴聞之曰誰復爲蕭諶作

甌飭者上新卽位遣左右要人于外聽察具知諶
言深相疑阻二年六月上幸華林園宴諶及尚書
令王宴等數人盡歡坐罷留諶晚出至華林閣仗
身執還入省上遣左右莫智明數諶曰隆昌之際
非卿無有今日今一門二州兄弟三封朝廷相報
政可極此卿恒懷怨望乃云炊飯已熟合甌與人
邪今賜卿死諶謂智明曰天去人亦復不遠我與
至尊殺高武諸王是君傳語來去我今死還取卿
于省殺之至秋而智明死見諶爲祟

南史 宋齊梁陳

廢帝夢女鬼訴上帝

宋前廢帝好遊華林園竹林堂使婦人裸身相逐有一婦人不從命斬之經少時夜夢遊後堂有一女子罵曰帝悖虐不道明年不及熟矣帝怒于宮中求得似所夢者一人戮之其夕復夢所戮女罵曰汝枉殺我已訴上帝至是覘云此堂有鬼帝與山陰公主及六宮綵女數百人隨群巫捕鬼屏除侍衛帝親自射之事畢將奏靡靡之聲壽寂之懷刀

直入姜產之爲副諸姬迸逸廢帝亦走追之及大呼寂寂如此者三手不能舉乃崩於華光殿時年十七

袁燦兒索命狄靈慶

宋袁燦字景倩順帝卽位遷中書監司徒侍中如故時齊高帝革命燦自以身授顧託不欲事二姓密有異圖事泄父子并斬之燦小兒數歲乳母將投燦門生狄靈慶靈慶曰吾聞出郎君者有厚賞今袁氏已滅汝匿之尚誰爲乎遂抱以首乳母號泣

呼天曰公昔于汝有恩故冒難歸汝奈何欲殺郎君以求小利若天地鬼神有知我見汝滅門此兒死後靈慶常見兒騎大犄狗戲如平常經年餘闔場忽見一狗走入其家遇靈慶于庭噬殺之少時妻子皆歿此狗卽表郎所常騎也

魏書

壽興索命王顯

宗室壽興爲中庶子時王顯在東宮賤因公事壽興杖之三十及顯有寵爲御史中尉奏壽興在家每

有怨言誹謗朝廷因帝極飲無所覺悟遂奏其事
命帝注可直付壽興賜死及行刑日顯自往看之
壽興顧謂其子曰我棺中可著百張紙筆兩枝吾
欲訟顯于地下若高祖之靈有知百日內必取顯
如遂無知亦何足戀及世宗崩顯尋被殺

苻堅索命姚萇

羌姚萇隨兄襄征伐襄之敗也萇率子弟降于苻堅
從堅征伐頻有戰功封益都侯龍驤將軍及慕容
泓起兵華澤堅遣子衛大將軍叡討之戰敗爲泓

所殺時萇爲叡司馬懼罪奔馬牧聚衆十餘萬自稱大將軍大單于萬年秦王號年白雀進屯北地苻堅出至五將山萇執而殺之登國元年僭稱皇帝國號大秦年曰建初以其太子興鎮長安自擊苻登安定敗之萇病夢苻堅將天官使者鬼兵數百突入營中萇懼走後宮宮人迎萇刺鬼誤中萇陰鬼相謂曰正中死處拔矛出血石餘寤而驚悸遂患陰腫醫刺之出血如夢萇乃狂言或稱臣或稱萇殺陛下者兄襄非臣之罪願不枉臣萇死子

雲適淡墨

卷之三

興襲位秘不發喪

北齊書

宋遊道顯魂怒子致卒

宋遊道廣平人天保元年以遊道兼太府卿卒官遊道死後李構爲定州長史遊道第三子士遜爲墨曹博陵王管記與典籤共誣奏構構于禁所祭遊道而訴焉士遜寢臥如夢者見遊道怒已曰我與構恩義汝豈不知何共小人謀陷清直之士士遜驚跪曰不敢不敢旬日而卒

書

賀拔岳索命侯莫陳悅

賀拔岳字阿斗泥魏孝武卽位加關中大行臺增邑
千戶永熙二年孝武密令岳圖齊神武詔岳都督
二雍二華二岐幽四梁三益巴二夏蔚寧涇二十
州諸軍事大都督齊神武旣忌岳兄弟功名岳懼
乃與太祖協契語在太祖本紀三年岳召侯莫陳
悅于高平將討曹泥令悅爲前驅而悅受齊神武
密旨圖岳弗知之也而先又輕悅悅乃誘岳入營

共論兵事令其壻元洪景斬岳于幕中朝野莫不
痛惜之侯莫陳悅魏孝武初加開封儀同三司都
督隴右諸軍事仍加秦州刺史及悅殺岳岳衆莫
不服從悅猶豫不卽撫納乃遷隴右太祖勒衆討
之悅遂亡敗語在太祖本紀悅子弟及同謀殺岳
者八九人竝伏誅悅自殺岳後神情恍惚不復如
常恒言我纔睡卽夢見岳云兄欲何處去隨逐我
不相置因此彌不自安而致破滅

北史 魏齊周隋

奴京兆索命高敖曹

魏高昂字敖曹神武元年進封京兆郡公與侯景等
同攻獨孤信于金墉與周文帝戰敗于芒陰死之
是役也昂使奴京兆候西軍京兆於傳婢強取昂
佩刀以行昂執殺之京兆曰三度救公太急何忍
以小事賜殺其夜夢京兆以血塗已怒而寤使折
其二脛時劉桃棒在渤海亦夢京兆言訴得理將
公付賊桃棒知昂必死遽奔焉心輕敵建旗蓋以
陵陣西人盡銳攻之一軍皆沒昂輕騎東走河陽

城太守高永洛先於昂有隙閉門不受昂仰呼求
繩又不得拔刀穿闔未殺而追兵至伏于橋下追
者見其從奴持金帶問昂所在奴示之昂奮頭曰
來與爾開國公追者斬之以去先是昂夢爲此奴
所殺以告盧武將殺之武諫乃止果及難葬後其
妻張氏常見敖曹夜來旦去有若生平傍人莫見
唯犬隨而吠之歲餘乃絕

隋書

魚俱羅索命梁敬真

敬真大業之世爲大理司直時帝欲成光祿大夫
魚俱羅之罪令敬真治其獄遂希旨陷之極刑未
幾敬真有疾見俱羅爲之厲數日而死

唐書

張瑄索命盧鉉

盧鉉者本以御史事韋堅爲判官堅被劾鉉發其私
以結林甫又善張瑄及按楊慎矜則誣瑄死至王
珙得罪方爲閑廢判官妄曰大夫以牒索馬五百
我不與衆疾其反覆貶盧江長史它日見瑄如平

生乃曰公何得來此願假須臾卒死

張光妻顯魂報德

李景畧幽州良鄉人以蔭補幽州府功曹參軍大曆
末客河中闔門讀書李懷光爲朔方節度使署巡
官五原將張光殺其妻以貨市獄前後不能決景
畧覈實論殺之旣之而有若女厲者進謝廷中如
光妻云

李思徵索命郭弘霸

郭弘霸舒州同安人仕爲寧陵丞天授中繇革命舉

得召見自陳往討徐近業臣誓抽其筋食其肉飲其血絕其髓武后大悅授左臺監察御史時號四其御史嘗按芳州刺史李思徵不勝楚毒死後屢見思徵爲厲命家人禳解俄見思徵從數十騎至曰汝枉陷我今取汝弘霸懼援刀自剄腹死頃而蛆腐是時大旱弘霸死而雨又洛陽橋久壞至是成都人喜后問群臣外有佳事邪司勳郎中張元一曰比有三慶旱而雨洛陽橋成弘霸死

李林甫百計妨賢斲棺削爵

李林甫爲相凡才望功業出已右及爲上所厚勢位將逼已者必百計去之或陽陷以甘言而陰陷之無得脫者世謂林甫口有密腹有劒兵部侍郎盧絢風標清粹上嘗目送之林甫知乃召絢子弟謂曰交廣藉才上欲以尊公爲之如憚遠行則當左遷絢懼自請降乃出爲華州刺史又帝問嚴挺之可用今安在挺之時爲絳州刺史林甫諭以上意甚厚可稱疾求還挺之從之林甫因奏挺之老疾宜授散秩以便醫藥上嘆詫久之其巧復如此是

時邊帥皆用名臣功著者往往用爲宰相林甫欲杜其路乃奏言文臣爲將性當矢石不如用塞族胡人能戰死于是諸道節度使盡用胡人久任專制祿山遂亂天下皆出林甫固位之謀也每夜坐偃月堂思所以排擠勝已誅逐貴臣皇帝寵幸日隆卒死于位而明年卽剖棺斬尸矣雖通謀叛人之罪未確然嫉賢士而用祿山卒以叛逆誅非默定公案哉

按記稱林甫仙官降凡以爲惡故盡削其籍數

世年畜其報詎止此哉元和六年惠州一娼震死而脇下書云李林甫毒害弄權帝命震死蓋惡報不一纍纍在記籍中又群談採餘云陸允誠割雞請客而雞背宛然李林甫三字驚而不食事動杭州吁亂天下者冥報信難測哉

竇軌嗜殺害人群鬼索命

軌太穆皇后從兄爲洛州都督剛嚴嗜殺多刑將士又害尚書韋雲起貞觀二年病甚忽言有人餉我瓜來左右報曰無有軌曰一盤好瓜何謂無邪旣

而驚視曰非瓜竝是人頭從我求償命又曰扶我起見韋尚書言畢而薨

以頭而瓜嗜所使也及瓜之期難乎免矣國有典刑殺人安能無以殺爲諱自謂陰功則古有云赦能壞政何也孟子說得妙曰不嗜殺嗜之一字慘毒莫甚焉不嗜一字矜憫莫甚焉暴虐者勿論矣亦有躊躇進退竟殺人以媚人者譬之此物不欲食然竟食之猶之嗜也故不嗜的念以其所不忍達其所忍仁也此賢聖分曉經

世語也 又如人之初持素者積久自厭腥膻
願人慎嗜也

五代

王延翰群妾索命崔氏

唐王延翰字子逸審知長子也同光四年唐拜延翰
節度使是歲莊宗遇弒中國多故延翰建國稱王
而猶稟唐正朔其妻崔氏陋而淫延翰不能制審
知喪未期撤其几筵又多選良家子爲妾崔氏性
妒良家子之美者輒幽之別室繫以大械刻木爲

人手以擊其頰又以鐵錐刺之一歲中死者八士
四人崔氏後病見以爲祟而卒

宋史

劉偉索命雷有陵

雷有陵同州郃陽人開寶中舉進士不第時有招應
攝官三任詳繇全者許投牒有司卽得召試錄用
有陵素與前攝上蔡主簿劉偉交游知偉雖嘗三
攝而一任失其解繇偉造僞印令其兄前進士佺
書寫之因是得試遇詮遂具章告其事竝下御史

府按鞫獄具偉坐棄市有陵授秘書省正字賜公服靴笏銀鞍勒馬絹百疋自是累上疏密告人陰事俄被病白晝見偉入室以杖箠其背有陵號呼聞于外數日而死

秦檜害岳武穆受冥報

世傳岳王顯聖殺秦檜者不一然東窗商量事所謂擒虎容易放虎難則紀載不可掩也方岳侯成獄檜居東窗下以爪畫柑皮如有所思檜妻王氏曰捉虎易放虎難老漢一何無決檜卽書片紙付獄

是日岳侯縊死王氏無子未幾亦死有押衙何立者檜差往東南第一峰勾幹恍惚人引至陰司覓夫人帶枷備刑楚毒難堪語何立曰告相公東憲事發矣押衙復命言其事檜憂駭皇皇數日亦死何立住山修行成地仙

一大天下岳侯以身任之其精神魂力足貫千古檜以私意害之殺中國造福種子地獄枷鎖寧有了日

王安石父子議復肉刑皆受冥報

安石一日與葉濤坐蔣山本府一牙校來叅公問來

意其人乞屏左右言昨夕夢至陰府見侍制

安石

先死也帶鐵枷良苦令某白相公意望有所薦拔某

恐相公不信遲疑間侍制云但說某時某處所議

之事今坐此備受慘毒公悟其事不覺大慟公既

卒有武弁死而復甦言王氏父子皆鐵枷竊問何

罪曰緣會議復肉刑致此乃與前校之夢略同今

士大夫往往皆知之

國朝

皇明資治通紀

范廣現形索命張賜

天順元年太平侯張賜卒賜初名軌先是景泰初賜自貴州征苗召還于謙劾其失機負罪不可用景帝宥之自是賜與石亨輩恨謙最深既奪門復辟首謀殺謙以謙信任范廣誣其同逆併殺之廣既死賜一日遇諸途爲拱揖狀左右問之曰范廣過耳歸家發病死

雲邁淡墨卷之三

終